



Institutiones Canonicæ

Schnorrenberg, Anno

Coloniae, 1740

§. 3. Quâ forma & modo beneficia acquirantur.

[urn:nbn:de:hbz:466:1-62040](#)

tinguntur; neque enim ideo plures nominationes ejusdem personæ ad diversas Ecclesiæ à Cæsare fiunt, ut unus plura adipiscatur beneficia, sed ut citius nominato provideatur. Cæsar quoque eidem personæ novas preces post primæ nominationis vel gratiæ extinctionem concedere potest, cùm per hoc nec Sedi Apostolicae, cuius non interest, cui fiat collatio, neque Collatoribus Ordinariis, qui semel tantum gravantur, neque juris dispositioni ratione pluralitatis beneficiorum præjudicetur.

7imo. Postquam Imperator uni preces dedit, eas revocare ac alterum nominare potest, quia quamvis, qui semel præsentavit, variare non possit, cùm præsentatus jus ad beneficium vacans per præsentationem acquirat, in beneficio tamen vacaturo non jus per preces, sed solum jus ad implorandum Executoris officium acquiritur.

8vo. Si preces concessæ ob mortem v. g. precistæ effectum non sint fortitæ, Imperator alium nominare potest; quan-

do enim actus secundum intentionem disponentis effectum non habet, ad unum actum non restringitur, quare si precista gratiam non admittat, Cæsar eam libere alteri conferre potest, donec preces plenum fortitæ sint effectum.

9no. Ut preces facilius habeant effectum, Cæsar in concessione earum Executorem nominare solet, qui in Ecclesiastica dignitate constitutus, vel Ecclesiæ Cathedralis Canonicus. Iste autem Executores Subexecutores constituere valent, cùm delegatam à Papa, ex cuius privilegio Cæsar Executores nominat, habeant jurisdictionem. Mortuo Executore, alium Imperator nominare potest.

10mo. Nominatus ad beneficium per preces illud intra mensem à tempore, quo ipsi vacatio beneficii innotuit, numerandum petere debet.

11mo. In privilegio Pontificio preces Cæsareae concedente quibuslibet juribus contrariis, Regulis Cancellariae, Concordatis Germaniae, & quibuscunque privilegiis ac consuetudinibus derogatur.

S. Tertius.

Quâ formâ, & modo Beneficia acquirantur.

QUæres primo. Quâ formâ de beneficio facienda provisio? *1o.* In provisione parochialium præscripta est forma à Concil. Trident. Sess. 24. de reform. De qua alibi. Beneficiis simplicibus nulla specialis forma est præcripta, scilicet si quentes requiriuntur conditiones: *1mo* ebet esse gratiæ *2do* integra, *3to*

pura, *4to* non subreptitia, *5to* publica, *6to* probabilis.

1mo debet esse gratuita, sine omni ambitu & largitione. can. ordinationes. caus. 1. q. 1. can. 1. 2. 3. 4. 5. can. fin. caus. 1. q. 3. cap. 1. 2. 3. de simon. Non debent intervenire preces, obsequia, aliisque humana gratia. *Gloss in cap. tuam, 1o. de stat.*

etat. Et qualit. verb. nullum. Ideoque neque in collationibus, neque in institutionibus, ac præsentationibus, vel processionum mandatis aliquid pro juribus exigi potest, non obstante quacunque consuetudine. *tit. can. fin. caus. 1. q. 3. cap. non satis. 8. cap. cum in Ecclesia. 9. cap. Jacobus. 44. de simonia.* Nec Notarii conficientes tabulas aliquid recipere debent. *cap. 1. de simon.* Nisi de consuetudine salarium ex publico non haberent, juxta moderationem *Trident. Sess. 21. de reform.* *cap. 1.* Nec aliquid pro introitu, vel investitura, sive consistat in pecunia, vel aliqua tractatione, exigi potest. *cap. veniens. 19. cap. sicut pro certo. 39. de simon.* Quinimò & transactiones de beneficiis interpositae non subsistunt, nisi justa causa cum Superioris insuper autoritate intervenerit. *cap. constitutus. 4. de transaction.* *cap. nisi essent. 21. de prabend.* Vel nisi pro jure quærito conservando ad redimendam vexam aliquid detur. *cap. dilectus. 28. de simon.* Provisio facta per simoniā realem, id est: quando per dationem & acceptationem beneficii pro tempore completa est simonia, vel per conventionalem, id est: quando facta promissio, quæ nondum executio- ni mandata, ipso facto nulla est. *can. Sanctorum. 10. caus. 1. q. 1. can. ea qua.* *5. Et seqq caus. 1. q. 3. cap. cum Clerici. 6. de pactis. Extrav. cum detestabile. de simon. inter comm.* Quamvis proviso ignorantē simonia facta. *cap. ex insinuatione. 26. cap. nobis fuit. 27. de simon.* Aut etiam Collatore inscio. Simonia mentalis nullitatem non inducit. *cap. fin. de simon.* Simoniaci ad istud & quodcunque aliud

beneficium obtainendum inhabiles existunt.

2do. Integra. Collator enim partem fructuum beneficii sibi retinere nequit. *cap. unic. ut Ecclesiast. benefic. sine diminut. confer. cap. prohibemiss. 7. de censibus.* Nec potest uni conferri beneficium, & alteri pensio ex beneficii redditibus attribui. *cap. extirpanda. 30. de prabend.* A Superiori tamen Ecclesiastico vacanti beneficio onus spirituale imponi potest, v.g. ut de B. V. Missam cantet. *cap. significatum. 11. de prabend.* Vel temporale, modò ad pios usus ordinetur. *Trident. Sess. 24. de reform.* *cap. 14.* Ut in subsidium seminarii, pauperum eleemosynas, aut fabricam Ecclesiæ.

3to. Pura. Hoc est: purè & absque conditione fieri debet; est enim collatio actus legitimus. *cap. solet. 2. de sentent. excomm. in 6.* Actus autem legitimi nullam conditionem admittunt. *cap. in electionibus. 2. de elect. in 6.* Et Regul. *50.* *Actus legitimi conditionem non admittunt. de Reg. Juris. in 6.* Si autem talis sit conditio, quæ tacitè inest; ut confero tibi beneficium, si capax es: actus non vi- tiatur.

4to. Non subreptitia, id est: per falla narrata impetrata; subreptio enim ipso jure gratiam vitiat. *cap. ad aures. 8. cap. constitutus. 19. de rescriptis.* *cap. si motu proprio. 23. de prabend. in 6.* Quod intel- ligendum de provisione à summo Pontifice vel ejus Legato facta, non verò de provisione Ordinarii, qui Ecclesiis, & non personis motu proprio providere dicitur: ideoque provisio Ordinarii ex capite subreptionis nequit impugnari. *Clement. 2. de offic. Ordinar.*

5to.

5to. *Publica*, id est: non clandestina; collatio enim clandestina & secretò facta suspicione non caret. *cap. unic.* ut Ecclesiast. benef. sine diminut. conferantur.

6to. *Probabilis*, id est: ut per testes & instrumenta fides de provisione probari possit.

Quares secundo: Quot modis acquiruntur beneficia? 12. Beneficia acquiruntur vel modo ordinario vel extraordinario. Modi ordinarii, quibus acquiruntur, sunt sequentes: *Electio*, *postulatio*, *translatio*, &c. De quibus supra. Collatio sive jure devoluta sive jure ordinario, *præsentatio*, *institutio*, *unio*, *commenda*, *possessio triennalis*. Modi extraordinarii: collatio Papæ extra Diœcesin, *præventionis Papæ*, mandatum de providendo, *reservatio*, *nominatio*.

Quares tertio. Quotuplex collatio jure ordinario? 2. 2plex: Necessaria, & libera. Necessaria est, quando Collator certæ personæ, vel certo personarum generi, etiam nolens, conferre debet, ut 1mo. Si mandatum habenti & acceptanti beneficium primò vacaturum conferre teneatur. *cap. tibi.* 12. *cap. duobus.* 14. *dere script in 6.* 2do. Si præsentatum à patrono Laico vel Clerico instituere obligetur. *can. decernimus.* 32. *caus.* 16. 9. 7. *cap. illud.* 8. *cap. relatum.* 21. *de jure patronat.* 3to. Quando fit provisio à Papa ad Regis vel Principis nominationem. 4to. Quando graduatis in vim nominationum, quas ex Academiis privilegiatis habent, fit collatio. 5to. Ratione optionis, quando ex privilegio vel consuetudine antiquiori optanti debetur beneficium. 6to. In beneficiis in favorem, vel permutationis causâ renuntiatis.

Collatio voluntaria fit, quando Collator sponte, cui vult, confert, dummodo digno & idoneo conferat. *cap. relatum.* 9. *de præbend. junct. gloss.* Facta collatione Collator beneficium secundò conferre nequit, quia functus est officio suo, & jus alteri est acquisitum. *cap. si tibi absenti.* 17. *de præbend. in 6.* *Clement.* *unic.* *de renuntiat.* Quod procedit, si digno contulit, si autem indigno contulit, idque scienter, jure conferendi privatitur. *cap. cum in cunctis.* 7. *§. fin. de elect.* Si ignoranter, secunda collatio post primam cassatam, vel declaratam irritam facta valebit.

Quares quarto. Quid circa collationem ex jure devoluto observandum?

1. Sequentia:

1mo. Collatio ex jure devoluto locum habet, si is, qui jus conferendi habebat, amisit illud vel ob negligentiam non conferendo intra tempus à jure statutum. *cap. nulla.* 2. *cap. quia diversitatem.* 5. *de concess. præbend.* Ne Ecclesiæ diu maneat viduatæ. *cap. ne pro defectu.* 41. *de elect.* *cap. quam sit.* 6. *eod. in 6.* Vel propter delictum, conferendo indignis. *cap. cum in cunctis.* 7. *de elect.* *cap. si Compromissarius.* 37. *eod. in 6.* Vel ob non servatam formam. *cap. quia propter.* 42. *cap. nihil est.* 44. *de elect.*

2do. In Ecclesiis patronatis patrono intra tempus à jure statutum non præsentante jus conferendi ad instituentem, tanquam ad proximum hujus negotii Superiorum devolvitur. *Clement.* *unic.* *de suppl. neglig.* *Prelat.* *junct. gloss.* *verb. dispositionem.* Si Prælatus Episcopo inferior conferre negligat, ad Episcopum loci,

in



in quo vacat beneficium , devolvitur collatio. *cap. nulla. 2. de concess. præbend.* *cit. Clement. unic.* Capitulo Cathedralis Ecclesiæ beneficium , quod ad suam collationem Episcopo excluso pertinet, conferre negligente, ad Episcopum fit devolutio : Si Episcopus cumulativè cum Capitulo conferat, fit devolutio ad Archi-Episcopum. *cit. cap. nulla. gloss. in cap. irrefragabili. 13. de offic. Ordinarii. verb. per Capitulum. cap. postulatis. 15. de concess. præbend.* Episcopo beneficium seorsim à Capitulo ad suam collationem spectans conferre negligente, fit devolutio ad Capitulum. *cit. cap. nulla.* Et hic est casus , quo ad inferiorem fit devolutio. Si Episcopo ex jure devoluto competit collatio , & ipse conferre negligat, ad Superiorem fit devolutio.

3to. Si devolutio fiat ob delictum, ut quia provisum est indigno , si omnes peccaverunt , hodie in Ecclesiis Cathedralibus immediatè ad Papam fit devolutio. *cap. quamquam. 18. de elect. in 6.* In Ecclesiis inferioribus ad immediatum Superiorem. *cit. cap. quamquam. cap. cum in cunctis. 7. de elect.* Si non omnes peccaverunt , jus providendi manet penes innocentes.

Quæres quinto. Quando mediante præsentatione acquiritur beneficium ? *R.* Quando beneficium est patronatum; quemadmodum enim jure civili olim Domini per servorum manumissiones consequbantur jus patronatus , quod in operis , bonorum successione & obsequiis patrono debitum consistebat , ita per ædificationem vel dotationem Ecclesiæ fundatori vel dotatori de jure Can-

nico jus patronatus accrescit , vi cuius vacante Ecclesiæ vel beneficio aliquem habilem præsentandi obtinet facultatem.

Quæres sexto. Quid & quotuplex est jus patronatus? *R. 1mo.* Jus patronatus est : Instituendum ad beneficium vacans præsentandi potestas. Vel est jus alicui in Ecclesia acquisitum , eò quod ipse vel maiores ejus Ecclesiam fundaverint, ædificaverint , vel dotaverint adhibito Episcopi consensu , ex quo jure cum utilitate honor & onus simul resultant.

2do. Jus patronatus 3plex est : Ecclesiasticum , Laicale , & mixtum. Ecclesiasticum est , quod ratione Ecclesiæ vel beneficii competit , licet ex bonis Laicibus originem habeat , vel ab initio , vel fundatione , vel testamento , vel donatione , aut alio quovis titulo in Ecclesiam, Collegium Ecclesiasticum ratione Ecclesiæ , dignitatis , vel beneficii est translatum. *cap. unic. de jure patronat. in 6.* Laicale est : quod personæ Ecclesiastice vel Laicali ex titulo competit Laicali , ut quia ex suis bonis patrimonialibus Ecclesiam fundavit , vel Laico fundatori successit. Fit ex Ecclesiastico Laicale , si non lucrativo , sed oneroso , ut permutacionis titulo cum autoritate Sedis Apostolicæ in Laicos transeat , ut etiam ex Laicali fit Ecclesiasticum , quando in Ecclesiasticas transit personas. Mixtum est , quod partim est Ecclesiasticum , partim Laicale , si convenerint patroni , ut una vice persona Ecclesiastica , altera vice persona Laica præsenter. *Clement. plures. 2. de jure patronat.* Tunc jus patronatus in turno patroni Laici est Laicale , in turno Ecclesiastici est Ecclesiasticum.

Dic-

Dividitur quoque jus patronatū in hæreditarium & gentilitum. Hæreditarium est, quod ad hæredes quoscunque etiam extraneos transit. *cap. quoniam. 3.* *de jure patron.* & tale in dubio præsumitur, nisi ex fundatione vel aliunde contrarium probetur. Gentilitum est, quod tantum ad illos, qui de familia sunt, transit. Dividitur rursus in reale & personale. Reale est, quod competit personæ ratione rei, & transit ad omnem, ad quem res transit. Personale est, quod immediatè personæ competit, & cum persona extinguitur.

Quæres septimo. Quid circa jus patronatū observandum? *R.* Sequentia; *1mo.* Tribus potissimum modis jus patronatū acquiritur, scilicet: fundatione, constructione, & dotatione, juxta vulgarem versum:

Patronum faciunt dos, ædificatio, fundus.

Fundatione jus patronatū acquirit, qui Ecclesiam in proprio Solo lùis sumptibus construxit. *can. Abbatem. 4. caus. 18.* *q. 2.* Vel qui solum aut fundum, in quo Ecclesia ædificari possit, assignat, vel donat. *can. pia mentis. 36.* *can. Frigentius. 27.* *caus. 16. q. 7.* *cap. nobis. 25.* *de jur. patronat.* Acquiritur autem eo ipso, quo fundatur Ecclesia, nec est necesse, quod fundator jus patronatū in fundatione sibi reservaverit, ut colligitur *ex cit. cap. nobis. ibi: ex eo jus patronatū acquirit.* *Gloss. in can. si quis basilicam. 10.* *de consecrat. dist. 1. verb. subtributaria.* Constructione vel ædificatione jus patronatū acquirit, qui sine assignatione vel donatione proprii fundi suis sumptibus

R.D.Schnorrenberg Instit. 7. Can.

Ecclesiam construit. *can. monasterium 33. caus. 16. q. 7. cit. cap. nobis.* Vel Ecclesiam dirutam, ut novâ indigeat consecratione, reparat, talis enim reparatio ædificationi comparatur.

Dotatione jus acquirit, qui Ecclesiæ dotem dedit. *can. filii. 31. caus. 16. q. 7.* Quemadmodum enim in matrimonio carnali ad alendam uxorem & sustinenda matrimonii onera dos datur marito, ita in fundatione Ecclesiæ certa dos ad Ministeriorum Ecclesiæ alimentationem, ad luminaria, aliisque ad Divinum Officium necessaria in redditibus vel annuis censibus constitui debet. *can. nemo. 9. de consecrat. dist. 1. cap. cum sicut. 8. de consecrat. Eccles.* Veruntamen tam in dotatione, quam fundatione, vel ædificatione consensus Ordinarii interveniat, necesse est. *cit. cap. nobis. de jure patronat.* Sive prædens, sive ex postdationi, ædificationi, vel fundacioni superveniens. Ratio est: quia jus patronatū Ecclesiæ onus est, quale Laici Ecclesiis propriâ authoritate imponere non possunt. *cap. Ecclesia. 10. de constitut.* Consensum Ordinarii, hoc est, Prælati Episcopalem jurisdictionem exercentis intervenisse ex diuturnitate temporis præsumitur.

2do. His tribus jus patronatū acquirendi modis additur titulus præscriptionis, quæ si immemorialis, dubium non est, quin per eam jus patronatū acquiratur, cum vim tituli habeat. *Arg. cap. 1. de prescript. in 6.* *Trid. Seff. 25. de reform. cap. 9.* De ordinaria præscriptione disputant Canonistæ: plures concedunt, quod Laicus jus patronatū per præscriptionem ordinariam acquirere valeat,

Z

cum



cum hac tamen differentia, si Ecclesia sit libera, & nullum patronum habeat, ad præscriptionem adversus eam spatium 40. annorum requiritur. *cap. cura pastoralis. 11. de jure patron. cap. querelam. 24. de elect.* Si Ecclesia patronum Laicum habeat, & alius Laicus contra eam patronum jus patronatus præscribat, inter præsentes 10. inter absentes 20. annorum sufficit spatium. Alii tamen Canonistæ absolútè negant per ordinariam præscriptionem à Laico jus patronatus acquiri posse, eò quod Laicus spiritualia & spiritualibus annexa possidere nequeat. Sicut autem per præscriptionem, ita quoque per summi Pontificis privilegium jus patronatus acquiri potest.

310. His modis jus patronatus in Ecclesiis non Collegiatis tantum acquirere possunt omnes, qui rerum suarum administrationem habent, idéoque & scemina patrona fieri potest. *cap. ex literis. 7. de jure patron. cap. fin. de concess. præbend.* Filius familiæ habens bona Castræ minor 25. annis.

410. Prohibentur esse patroni Religiosus particularis, quia nec administrationem habet, nec bonorum dominium. Infamis ; jus enim patronatus bonum honorificum est. Hæreticus, excommunicatus excommunicatione majori, Iudeus, Paganus ; quia Canones hoc jus Fidelibus & Christianis tantum concedunt.

510. Jus patronatus partim honorificum, partim utile, partim onerosum est patrono, ut exprimit Gloss. in cap. nobis. *25. de jure patron. verb. modeste.* his versibus :

Patrono debetur honos, onus, utilitasque,
Præsens ut præsit, defendat, alatur
egenus.

Honor patroni in hoc consistit, ut Ordinario personam ad vacantem Ecclesiæ præsentet, in Ecclesiis, Processionibus &c. honoratiorem locum obtineat. *can. pia mentis. 26. can. Frigentius. 27. caus. 16. q. 7.*

Utilitas, quod patronum ad inopiam redactum alat Ecclesia. *can. quicunque. 30. caus. 16. q. 7.*

Onus, quod Ecclesiæ ejusque ministros contra vim hostilem defendere. *can. filius. 31. can. decernimus. 32. caus. 16. q. 7.* dilapidantes bona Ecclesiæ denunciare, indebet alienata revocare debet, &c. Est enim patronus Ecclesiæ Protector & Advocatus. *cap. præterea. 23. cap. cum autem. 24. de jure patron.*

610. Modos, quibus jus patronatus in alium transferri possit, exprimit Gloss. in cap. cum sæculum. *13. de jure patron. verb. emptorum.* his versibus :

Jura patronatus transire facit novus hæres,

Res permutata, donatio, venditiōque. Imprimis transfertur successione. *can. considerandum. 35. caus. 16. q. 7. cap. quoniam. 3. de jur. patr.* In hæredes. *cap. significavit. 41. de testibus. Clement. fin. de jure patron.* quosecumque cum bonorum universitate, cui tanquam accessorium adhæret. *cap. ex literis. 7. de jure patron.*

Deinde permutatione cum alia re spirituali, sive cum alio jure patronatus. *cap. ad quæstiones. 6. de rer. permut.* vel jure decimatum.

Dō-



Donationis vel legati titulo transit jus patronatus, si alteri legetur, vel donetur, cum hac diversitate, quod si Laico donetur, consensus Episcopi accedere debeat, qui non requiritur, si Ecclesiæ, vel loco pio, vel compatriono donetur.
cap. unic. de jure patron. in 6.

Demum titulo venditionis transferatur, si universitas bonorum, cui jus patronatus cohæret, vendatur. *cit. cap. ex literis. 7. de jure patron.* Nomine universitatis intelligitur hæreditas, civitas, pagus, castrum, prædium, &c. Ratio est: quia quamvis jus patronatus non sit vendibile, utpote res spiritualis, quia tamen cum re temporali connexum esse potest, ideo si res temporalis, ut universitas principaliter, jus patronatus cum universitate velut aliquod accessorium ad emptorem transit; quod si jus patronatus in venditione expressum, vel pretium intuitu illius auctum, venditio utpote simoniaca est irrita, & consequenter jus patronatus non transit ad emptorem. *cap. de jure. 16. de jure patr.* Ut etiam non transfertur, si in venditione universitatis jus patronatus exceptum, & vendor sibi illud reservavit. *Gloss. in cap. cum seculum. 13. de jure patron. verb. emporum.*

Ad titulum venditionis conductio universitatis ad longum tempus reducitur, quâ apud conductorem tempore conductionis est exercitium juris patronatus, quod tamen non tenet apud conductorem universitatis oppignoratae. *cap. cum Bertholdus. 18. de sentent. & rejudic.* Disparitas est, quia per conductionem dominium utile & commodum rei con-

ductæ in conductorem transeunt, quod tamen non sit per oppignorationem.

stimo. Ortâ controversiâ de jure patronatus, si proprietas controvertitur, ad judicium Ecclesiasticum pertinet decisiō, nam jus patronatus conjunctum & connexum cum spiritualibus est res spiritualis. *cap. quanto. 3. de judic.* Si de possessione vel quasi possessione disceptatur, Judex sacerularis cognoscere potest, quia, ut dicunt Juristæ, possessorum est quid temporale.

8vo. Si Ecclesiam juris patronatus esse constat, & inter quosdam, quis sit patronus, controvertatur, ordinariæ sufficiunt probationes, si verò in dubium vocatur, an libera, vel patronata sit Ecclesia, libera præsumitur. *Arg. L. altius. 8. C. de servit. junct. gloss.* Et ut jus patronatus decernatur, exactiores probationes requiruntur, juxta dispositionem *7rid. 25. de reform. cap. 9.* “Sicuti legitima patronatum jura tollere, piisque fidelium voluntates in eorum institutione violare æquum non est; sic etiam ut hoc colorere beneficia Ecclesiastica in servitatem, quod à multis imprudenter fit, redigantur, non est permittendum. Ut igitur debita in omnibus ratio observeatur, decernit S. Synodus, ut titulus juris patronatus sit ex fundatione, vel dotatione, qui ex authentico documento, & aliis jure requisitis ostendatur, sive etiam ex multiplicatis presentationibus per antiquissimum temporis cursum, qui hominum memoria excedat, aliasve secundum juris dispositionem, in iis verò personis, seu Communitatibus seu Universitatibus,



"in quibus id jus plerumque ex usurpatione potius quæsumum præsumi solet, "plenior & exactior probatio ad docendum verum titulum requiratur, nec "immemorabilis temporis probatio altera eis suffragetur, quæm si præter reliqua ad eam necessaria, præsentationes, "etiam continuata, non minori saltem, "quæm quinquaginta annorum spatio, "quæ omnes effectum sortitæ sint, aut "authenticis scripturis probentur."

9no. Amittitur jus patronatus vel ob delictum, vel ob aliam causam. Ob delictum amittitur *1mo* ob hæresin, vel crimen læsæ Majestatis. *cap. vergentis. 10.* de *Hæret.* *2do.* Si patronus Rectorem vel alium Ecclesiæ patronata Beneficiatum per se vel per alium occiderit, aut mutilaverit. *cap. ad anres. 10.* *cap. in quibusdam. 12.* *de pœnis. 3to.* Si jura, bona, census Ecclesiæ patronatae sibi patronus quoquaque prætextu usurparit. *Trid. Sess. 22. de reform.* *cap. 11. 4to.* Si venditionis vel alio quovis titulo contra Canones jus patronatus in alium transferre præsumperit. *cap. quia Clerici. 6. de jure patronatus. 5to.* Publicatis bonis patroni, si jus patronatus bonis publicatis annexum, illud ad Fiscum transit. *Gloss. in can. filii. caus. 16. q. 7.* Si autem bonis non annexum, manet apud delinquentem, donec per Judicem illo privetur. *Gloss. in cit. can. filii.* & *Gloss. in Clement. Pastoralis. de sententia.* *Ergo judicat. verb. subiecta.*

Alio modo jus patronatus amittitur *1mo* Ecclesiæ sine spe reparationis destructione. *2do.* Si jus suum patronus Ecclesiæ cedat, vel Ecclesiam juris patro-

natus sine reservatione sui juris fieri Collegiatam, vel Monasterio conferri patiatur. *cap. nobis. 25. de jure patronatus.* *junct. gloss. verb. Capella.*

Quæres octavo. Quæ circa præsentationem observanda? *q. 1mo.* Patronus, qui est in quasi possessione juris patronatus, præsentare debet. *cap. consultationibus. 19. de jure patronat.* Hæc autem quasi possessio acquiritur per unicam præsentationem, his tamen concurrentibus: *1mo.* Si præsentatio bonâ fide facta. *2do.* Admissa. *3to.* Eamque sequuta institutio. Et *4to.* Ille, in cuius præjudicium possessio juris patronatus acquisita, hoc sciens passus fuerit.

2do. Plures patroni ejusdem beneficij vel singuli alternis vicibus præsentare, vel omnes simul in præsentatione concurre possunt, prout inter se convenient. *cap. 1. 2. & 3. de jure patronat.* Plures hæredes unius patroni in præsentatione pro uno habentur. *Clement. plures. 2. de jure patronat.* Quod si plures concurrentes in præsentatione discordent, is præsentatus admittendus, in quo præsentando major pars concordat. Ubi distinguendum, an præsentatio fiat à pluribus, ut à Collegio, & tunc requiritur, ut à majori parte respectu Collegii concorditer sit præsentatus. *cap. Ecclesia vestra. 48. de elect.* *cap. ea noscitur. 6. de his, quæ sunt à Prælato &c.* Quo casu etiam omnes, ad quos spectat collatio, sunt convocandi. *cap. quia propter. 42. de elect.* Alias absentes præsentationem rescindere possunt. *cap. quod sicut. 28. cap. bona memoria. 34. de elect.* Vel præsentatio spectat ad plures tanquam personas fin-

singulares, & tunc sine convocatione quilibet patronus sigillatim præsentare potest, & ille præsentatus præferendus, qui à majori parte patronorum respectu aliarum partium est præsentatus.

3to. Patronus se ipsum præsentare nequit, quantumcunque idoneus sit, & quibuscunque studiis & meritis adjuvetur. *cap. per nostras. 26. de jure patron.* Qualecunque sit beneficium, tum quia hoc est ambitiosum. *cit. cap. per nostras.* tum quia inter dantem & accipientem debet esse distinctio personalis. *cap. fin. de institut.* Fiunt sequentes exceptiones:

1ma. Si patronus jus præsentandi cœfit, præsentari potest, modò pro ea vice solum non cœserit.

2da. Unus patronus ab aliis compatrionis præsentari potest. *Gloss. in cap. consuluit. 15. de jure patronat. verb. concedant. arg. cap. cum in jure. 33. de elect.* Quo casu patronus à ceteris præsentatus consentiendo auget numerum, sibiique jus firmat. *Arg. cap. cum in jure. cit.*

3ta. Episcopus patrono consentienti beneficium patronatum conferre potest, tunc enim patronus sibi ipsi beneficium non dat, sed patitur, & sibi dari consentit, & tunc sine patrono valet institutione, quia illa patrono non fit invito.

4to. Patronus filium suum vel aliter sibi coniunctum præsentare potest. *Gloss. in cit. cap. consuluit. verb. concedant.*

5to. Differentiae inter præsentationem patroni Laici & Ecclesiastici sunt:
1ma. Tempus, intra quod patronus Ecclesiasticus præsentare debet, sunt sex menses, intra quod à patrono Laico præsentatio facienda, sunt quatuor men-

ses. Si patronorum alter sit Laicus, alter Clericus, etiam Laico sex menses conceduntur; quia magis dignum trahit ad se minùs dignum, & ita Laicus consequitur per Clericum, quod per se non habet. *Gloss. in cap. unic. de jure patronat. in 6. verb. Ecclesiasticus.*

2da. Patronus Laicus variare, hoc est: præsentato uno alterum addere potest, & tunc Episcopo instituenti unum ex præsentatis eligere licet. *cap. cum autem. 24. de jure patron.* Quod non licet patrono Ecclesiastico.

3ta. Si Episcopus vel præsentatum à patrono Laico instituens ut indignum rejicerit, patronus Laicus alterum præsentare potest, quod si tamen Episcopus vel instituens malitiosè primum rejicerit, & alterum postea nominatum instituerit, primò de beneficio providere tenetur. *cap. pastoralis. 29. de præbend.* Si patronus Ecclesiasticus indignum præsentaverit, suo functus est officio.

4ta. Clerico præsentato à patrono Ecclesiastico statim ad institutionem jus acquiritur. *cap. cum autem. 24. de jure patronat.* Præsentatum à patrono Laico Ordinarius non instituit, nisi post lapsum temporis ad præsentandum dati, cum hoc in commodum patroni sit inductum, qui intra illud tempus, quoties ei libuerit, variandi habet potestatem. *Clement. plures. 2. de jure patron. junct. gloss.*

7timo. Patronus aliquid temporale à præsentato præter id, quod in ipsa foundatione est impositum, exigere nequit. *cap. sicut nobis. 2. de suppl. negligent. cap. præterea. 23. de jure patron.* Quod si aliquid pro præsentatione datum vel promissum,



missum, præsentatio erit simoniaca, licet id præsentato ignorantे factum. cap. si alicujus. 59. de elect. cap. nobis fuit. 27. de simonia.

Quæres nono. Quid circa institutio-
nem observandum? R. 1mo. Institutio
est beneficii juri patronatū subjecti à le-
gitimo Superiore Ecclesiastico facta col-
latio. Hæc est necessaria, quia præsen-
tatio in Ecclesia patronata nullum jus tri-
buit præsentato, cùm patronus nullum
jus obtineat. can. noverint. 6. caus. 10.
q. 1. cap. quod autem. 5. cap. querimoniam.
9. cap. cum Laici. 10. cap. consuluit. 15.
de jure patronar. Quamvis patronus sit
Ecclesiasticus. cit. cap. sicut nobis. 2. de
suppl. neglig.

2do. Ille, si idoneus est, instituendus,
quem patronus præsentaverit, alioquin ad
Superiorem habebitur recursus. cap. signi-
ficasti. 18. de jure patron. Et sicut institutio
ab ipso patrone facta nulla est. cap. illud.
3. de jure patr. Ita etiam institutio, quam
Episcopus fecit sine patroni præsentatione;
& quamvis non sit ipso jure irrita.
cap. illud. 8. de jure patr. Secutâ tamen
præsentatione patroni intra tempus à ju-
re præscriptum evanescit. can. decerni-
mus. 32. caus. 16. q. 7.

3to. Ad Episcopum pertinet institu-
tio. cap. ex frequentibus. 3. de institut.
cap. 1. eod. in 6. cap. cum satris. 4. de offic.
Archid. Ad Capitulum Sede vacante. cit.
cap. 1. de institut. in 6. Ad Vicarium Ge-
neralem Episcopi, etiam sine speciali
mandato. cit. cap. ex frequentibus. Imò
ad Prelatos inferiores jus illud ex privile-
gio, præscriptione vel consuetudine
habentes.

4to. Institutioni locus est, quoties-
cunque jus patronatū salvum & incolu-
me manet, quod duobus modis impe-
ditur per negligentiam scilicet, & deroga-
tionem Papæ.

Per negligentiam, si vel intra tempus
præscriptum patronus non præsentave-
rit. cap. sicut nobis. 2. de suppl. neglig.
Vel patroni ob discordiam illud tempus
elabi permiserint. cap. quoniam. 3. de jure
patr. Vel patronus Ecclesiasticus indi-
gnum præsentaverit.

Per derogationem jus patronatū im-
peditur, si Papa præsentationem pre-
veniendo Ecclesia de Ministro provide-
rit, Papa autem juri patronatū tam Ec-
clesiastico quam Laico derogandi habet
potestatem. Clement. 2. de probend. junct.
gloss. cum hac differentia, quod juri pa-
tronatū Laicalis non derogetur, nisi
per clausulam specialem fuerit expre-
sum. cit. gloss. verb. Apostolicis. ne Laicos
à piis fundationibus & dotationibus con-
tingat deterri.

5to. Factâ institutione jus percipiendi
fructus beneficii, illudque administrandi
potestatem nanciscitur institutus.
Tempus institutioni non est præfixum,
intra quod illa fieri debeat, nisi in bene-
ficio cura, in quo juxta constitutionem
S. Pii V. de concursu intra duos menses
facienda institutio, alias ad summum
Pontificem sit devolutio.

Quæres decimo. Qualiter beneficio-
rum fit unio? R. 1mo. Unio est duorum
vel plurium beneficiorum à legitimo Su-
periore facta connexio. Hæc unio vel est
temporalis, vel perpetua. Temporalis
est, in qua certum tempus expressum,
vel

vel quæ fit non intuitu Ecclesiæ, sed ad vitam alicujus, vel quæ ad Papæ fit beneplacitum. Hæc tempore præfixo elapsio, ut mortuo illo, ad ejus vitam est data, vel mortuo Papâ, si ad ejus data beneplacitum, dissolvitur. *cap. novit ille.*
i. ne Sede vacante.

Unio perpetua est, in qua expressum, quod perpetuò sit duratura, ut *in cap. exposuisti. 33. de præbend.* Vel quæ intuitu Ecclesiæ, vel alicujus dignitatis, vel ad beneplacitum Sedis Apostolicæ, quæ nunquam emoritur, facta est. *cap. gratiosè. 5. de rescriptis. in 6.* In dubio unio facta perpetuò præsumitur. *cit. cap. novit ille.*

2do. Tribus modis unio fieri potest. *Gloss. in cap. 1. ne Sede vacante. verbō: uniendo. 1mus.* Quando duæ Ecclesiæ vel duo beneficia in unum corpus coalescent, ita, ut ex duobus beneficiis, vel duabus Ecclesiis una fiat. Hujus unionis effectus sunt *1mo.* Statuta & privilegia uni data competunt alteri, & si contraria, conservantur favorabiliora. *2do.* Canonici, qui sunt in una Ecclesia, sunt etiam Canonici alterius Ecclesiæ. *Gloss. in can. & temporis. 48. caus. 16. q. 1.*

2dus modus unionis, quando dux Ecclesiæ ita uniuntur, ut una superior sit & principalis, altera inferior & secundaria, quo casu *1mo* inferius beneficium nomen amittit, estque per unionem suppressum & extinctum. *2do.* Inferius beneficium ejus beneficii, cui est unitum, nomen induit, & iisdem gaudet privilegiis. *cap. recolentes. 3. de Statu Monach.*
3to. Beneficium inferius jura propria non amittit, sed illa manent, & ad Ecclesiam, cui est unitum, transiunt,

3tius modus unionis, quando nulla ex Ecclesiis unitis alteri subjicitur, sed ambabus suum titulum & gradum retinentibus idem minister præficitur. *can. & temporis. 48. caus. 16. q. 1. Gloss. in cap. 1. ne Sede vacante. verb. uniendo.* Hoc causa utraque Ecclesia est æquè principalis, sua statuta habet, & quælibet propriis utitur privilegiis.

3tio. Beneficia tempore, quo vacant, vel non vacant, uniri possunt. *Clement. si una. 2. de rebus Ecclesiæ non alienandis.* cum hac differentia: si Ecclesia vel beneficium vacans uniatur, unio non nisi post mortem Beneficiati, vel si beneficium alicui exprensè reservatum, post obitum exspectantis tantum sortitur effectum.

4to. Episcopus cum consensu Capituli quælibet beneficia unire potest. *cap. sicut unire. 8. de excessib. Prælator.* nisi beneficia uniri prohibeantur, uti prohibentur *1mo* Ecclesiæ Parochiales. *Juxta Trid. Sess. 24. de reform. cap. 13.* ibi: "Ecclesiæ Parochiales monasteriis qui-
"buscunque, aut Abbatii, seu digni-
"tatibus, seu præbendis Ecclesiæ Cathe-
"dralis vel Collegiatæ, sive aliis benefi-
"ciis simplicibus, aut hospitalibus mili-
"tiisve non uniantur." *2do.* Beneficia regularia Ecclesiis parochialibus vel aliis beneficiis secularibus non sunt unienda. *Trid. ibid. 3tio.* Sine consensu patroni beneficia juris patronatū Laici uniri nequeunt. *Gloss. in cap. nobis. 25. de jure patronat. verb. in capella.* *4to.* Beneficia unius Diœcesis cum beneficiis alterius Diœcesis uniri non possunt, ne unum beneficium duarum fiat Diœcesim. *Trid. Sess. 14. de reform. cap. 9. 5to.* Be-
neficium



neficium Ecclesiæ , cuius Sedes vacat, uniti nequit, cap. 1. ne Sede vacante. 6to. Episcopatus solus Papa unire potest. cit. cap. sicut unire. 8. de excess. Pralat. 7timo. Episcopus beneficia propriâ authoritate mensâ suâ vel mensâ Capituli unire non potest. cit. Clement. si una. 2. de rebus Eccles. non alienand.

5to. Ut unio legitimè fiat, sequentes requiruntur conditiones: 1ma. Ut adsit causa utilitatis, vel necessitatis. cap. exposuisti. 33. de prabend. 2da. Ut præviâ causâ fiat cognitione. 3ta. Ut omnes, quorum interest, vocentur, & audiantur. Trid. Sess. 7. de reform. cap. 6. Consensus tamen Rectoris vel possessoris beneficii non requiritur; fit enim sine illius prejudicio, cum unio non sortiatur effectum, usque dum morte vel alio modo beneficium dimiserit. cap. consultationibus. 4. de donation. 4ta. Juxta Regulas Cancellariæ valor beneficii uniendi est exprimendus.

6to. Qui Ecclesiæ unire possunt, unitas quoque dissolvendi habent potestatem: ut quando per unionem tollitur hospitalitas, vel regularis sit dissolutio disciplinæ. cap. novit ille. 1. ne Sede vacante. Quando cessat causa factæ unionis, si unio Ecclesiæ nocere incipiat. cap. suggestum. 9. de decimis.

Quæres undecimo. Quid circa commendam observandum? 1. 1mo. Nominе commendæ hic non intelligitur commendæ, quæ in Ordinibus militari bus esse solet, sed hæc habet rationem beneficii regularis, cuius Rector Commendator.

2do. Commenda est alicui concessa

Ecclesiæ custodia. Gloss. in cap. nemo de elect. in b. verb. commendare. Cum enim antiquitus Ecclesiæ vacanti statim idoneus Rector præfici non posset, ea viro cuidam probo & fideli, qui illius interea curam tanquam Custos & Tutor haberet, commendabatur. can. constitutum. 22. can. 7. q. 1. Erat Procurator in temporalibus & spiritualibus, & exceptâ bonorum immobilium alienatione, & exercitio eorum, quæ consecrationem exigunt, omnia poterat, quæ proprius Pastor. cap. is cni. 42. de elect. in b. Ex redditibus Ecclesiæ commendatae faciebat sumptus, subministrabat alimenta, debita solvebat, &c.

3tio. Commenda 2plex est: temporalis & perpetua. Temporalis est, quando alicui ob Ecclesiæ utilitatem beneficium ad tempus in custodiam datur, & Commendarius ex beneficii fructibus alimenta & expensas in temporaria administrationis retributionem accipit. Tali modo Episcopus commendam Ecclesiæ parochialis, non tamen ultra sex mensas dare potest. cap. nemo. 15. de elect. in b. Quod coram Trident. declaravit S. Congregatio: Commenda, quæ ad sex mensas in Ecclesiæ parochialibus sive curatis ab Ordinariis fieri poterant, juxta cit. cap. nemo. amplius post Concilium locum non habent, cum in iis deputari debeat Vicarius ad formam capitul. 18. Sess. 24. de reform. Per commendam temporalem non datur titulus, nec jus in re, nec ad rem. Gloss. in cap. qui plures. 3. can. 21. q. 1. cap. si constiterit, 12. de accusat.

4to. Commenda perpetua est, quæ con-

concedi solet in favorem certæ personæ cum facultate plenè disponendi de beneficio ac Beneficiariis. Eam solus Papa concedit, & est titulus Canonicus. *cap. dudum. 54. de elect.* Et reverè est palliata dispensativa provisio incapaci per Canones facta, ut imprimis, si habenti unum beneficium in titulum de alio incompatibili provideatur in commendam. *cit. cap. dudum. can. fin. can. 21. q. 1.* Cùm enim sicut quis duas uxores simul habere nequit, ita quoque titulum duorum beneficiorum incompatibilium habere non potest, ideo dat Papa unum in sponsam, alterum in commendam; quare optimè respondit conscientiosus Episcopus oblatâ in commendam Abbatâ: Absit, ut cum sponsa habeam concubinam. Deinde dum sacerdotali de beneficio providetur Regulari, vel econtra. Terriò dum minori 18. annis de beneficio curato providetur, illi Ecclesia ad 8. vel 10. annos in commendam, & postea in titulum confertur.

5to. Primus Author commendarum perpetuarum & in favorem personæ refertur fuisse Leo IV. Mala, quæ ex his commendis in Rempublicam derivantur, graphicè describit *Rebuff. in praxi beneficiaria. tit. de commenda.* Hunc commendarum abusum in semetipso correxit Clemens V. postquam infirmitate periculosa visitatus ab Omnipotente prospexit evidenter, ut ipsem refert in *Extrav. ex superne. de præbend. inter comm.* quòd Ecclesiarum & monasteriorum commendatorum cura negligatur, bona & jura dissipentur, ac subjectis eis personis & populis spiritualiter pluri-

R.D.Schnorrenberg Instit. Jur. Can.

mùm & temporaliter derogetur, císque redundant ad noxam, quæ dicebantur cedere in protectum. Idem agnoverunt Patres Concilii Lateran. sub Leone X. *Seff. 19.* ut refert *Fagn. in cap. cum ad nosstram. de elect.* "Quoniam ex commen-
"dis monasteriorum, ut magistra rerum
"experientia sæpe docuit, monasteria
"ipsa tam in spiritualibus, quam in tem-
"poralibus graviter laeduntur, quippe
"quorum ædificia partim Commenda-
"tariorum negligentia, partim avaritia
"vel injuria collabuntur, & indies Di-
"vinus cultus in his magis diminuitur,
"passimque obloquendi materia perso-
"nis præsertim sacerdotalibus præbetur,
"non absque dignitatis Sedis Apostolicæ
"diminutione, à qua commendæ hu-
"jusmodi proficiscuntur. Ut eorum in-
"demnitati salubrius consulatur, volu-
"mus, ac sanctius, ut cum illa per
"obitum Abbatum, qui illis praerant,
"vacaverint, nullo paecto cuiquam pos-
"sint commendari." Ibidem quoque
constituitur, ut Abbates Commenda-
tariorum, licet Cardinales, si in monasterio
commendato mensa Abbatialis distingua
à mensa Conventuali, quartam partem
mensæ Abbatialis pro instaurazione fa-
briæ, pro ornamentis sacræ vel paupe-
ribus applicare, si verò mensa Abbatiali-
lis cum Conventuali communis, tertiam
omnium fructuum partem pro supradictis
oneribus, & sustentatione Religio-
sorum impendere teneantur.

6to. Trident. quidem expressè has com-
mandas perpetuas non reprobavit, dum
eorum mentionem facit *Seff. 21. de re-
form. cap. 7. Seff. 25. de Regul. cap. 20.*

A a

Imò



Imò *Sess. 14. de reform. cap. 10.* dum beneficia Regularia conferri secularibus prohibet, exprefse addit: *In titulum.* Ut concessio per viam commendae excluderetur. Attamen haud dubium est, quin tacite commendas reprobet; nam imo. *Sess. 7. de reform. cap. 4.* submovet unam ex principalibus commendae causis: "Quicunque de cætero plura curata aut alias incompatibilia beneficia Ecclesiastica, sive per viam unionis ad vitam, sive commendae perpetuae, aut alio quoconque nomine & titulo contra formam sacerorum Canonum & præfertim constitutionem Innocent. III. quæ incipit: *De multa. recipere*, ac simul retinere præsumperit, beneficiis ipsius juxta ipsius constitutionis dispositionem ipso jure, etiam præsentis Canonis rigore, privatus existat."

Clarius *Sess. 25. de Regular. cap. 21.* ad intentum nostrum disponit, quæ dispositio ad minus consultiva esse ab omnibus admittitur; cavetur scilicet, ut iis monasteriis, quæ tunc commendata reperiebantur, & suos Conventus habebant, Regulares personæ ejusdem Ordinis præficerentur, quæ verò imposterum vacabunt, nonnisi Regularibus conferantur. Eodem loco præceptivè decernit, ut in monasteriis, quæ capita sunt ac Primates Ordinum, sive Abbatiae, sive Prioratus filiæ eorum Capitum nuncupentur, teneantur illi, qui in præsenti ea in commendam obtinent, nisi sit eis de Regulari Successore provisum, infra sex menses Religionem illorum Ordinum propriam solemniter profiteri, aut eis cedere, alias commendata prædictæ ipso jure vacare censantur.

7timo. Loco coronidis notandum consilium Bernardi ab Espen. p. 1. *Juris Ecclesiast. tit. 30. n. 54.* Ad Abbates Laycos & Commendatarios excludendos nihil efficacius vel convenientius esse potest, quam ut in ipsis monasteriis perfecta bonorum ac proventuum communio habeatur, relicta distinctione vel separatione mensæ Abbatialis à Conventuali, quæ distinctione pro magna parte occasionem commendis subministravit. Deinde ut juxta leges Ecclesiæ, intentionem Fundatorum, nec non Regulas Professionis monasticae proventibus monasteriorum ita moderatè Abbates utantur, ut in omni ipsis suppellebili vel domo nihil appareat à professione paupertatis alienum, & quod mundi fastum redoleat, & quod reliquum fuerit, in Christianam hospitalitatem ac pauperum alimoniam impendant, ut hoc pacto re ipsâ ostendant bona monasteriorum esse patrimonium pauperum, quod sine sacrilegio in usus profanos impendi non possit.

Quæres duodecimo. Qualiter per triennalem possessionem acquiritur beneficium? R. Pacifica per triennium beneficii possesio cum colorato titulo vim iusti & legitimi tituli obtinet, ex Regula *Cancelarie de triennali possessione*, quæ sic habet: "Quod si quicunque Ecclesiastica beneficia, qualiacunque sint absque simoniaco ingressu ex Apostolica & ordinaria collatione, vel electione, vel electionis hujusmodi confirmatione, seu præsentatione & institutione illorum, ad quos beneficiorum hujusmodi collatio & provisio, electio, præsentatio,

“sentatio, vel quævis alia dispositio pertinet, pacifice possederit, super iisdem beneficiis taliter possessis nequeant molestari.” Per quam Regulam titulo colorato cum possessione pacifica triennali beneficium canonice obtinetur; hic enim titulus pro institutione Canonica habetur, ne lites super beneficiis sint immortales. Requiritur autem *1mo.* Possessio per triennium completum, nec Prædecessoris possessio, ut in præscriptionibus, continuatur.

2do. Pacifica. Hoc est: ita, ut nullam controversiam sive judicialem sive extrajudicialem super beneficio possessio passa fuerit.

3to. Ab initio possessionis coloratus titulus esse, & talis per totum triennium manere debet: titulum autem coloratum habere dicitur, qui titulum obtinet ab eo, ad quem beneficij pertinet dispositio, sed ex defectu aliquo accedit, ut collatio sit invalida, v. g. est facta colla-

tio ab eo, cui ab Executore Apostolico erat interdictum, ne conferret. *cap. se soli. 6. de concess. præbend. in 6.* Si electio vitium habens facta fuit ab habentibus eligendi potestate. Si quis sine presentatione patroni in beneficio patronato est institutus, hi habentes titulum coloratum per triennalem possessionem pacificam beneficium acquirunt. Econtra illi, qui tales titulum habent ab iis, qui conferendi carent potestate. *cap. ex frequentibus. 3. de institut.* vel qui beneficia propriæ invaserunt auctoritate. *cap. cum qui. 18. de præbend. in 6.* vel titulo priùs legitimè habitu sunt privati, & nihilominus beneficia retinuerunt, vel habent quidem titulum ab habentibus conferendi facultatem, sed sunt interdicti vel excommunicati, violenti & intrusi dicuntur possessores. *cap. cum dilectis. 15. de purgat. canon.* nec triennali juvantur possessione.

S. Quartus.

De Modis, quibus Beneficia amittuntur.

QUæres primo. Quot modis vacant beneficia? *q. 1mo.* Beneficium vacare dicitur, quod à nemine possideatur vel occupatur, sive de novo sit creatum, & à nullo antea possessum, sive post collationem suo Rectore sit destitutum.

2do. Præcipui modi, quibus beneficium vacat, sunt sex: Mors, renuntiatio, promotio ad aliud incompatibile, matrimonium, Religionis ingressus, & privatio.

QUæres secundo. Quo modo per mortem vacant beneficia? *q. 2.* Beneficium mortuo Beneficiato ita vacat, ut alteri conferri possit. *cap. suscepsum. 6. de rescript. in 6. cap. ne captanda. 3. de concess. præbend. in 6.* Fiunt sequentes exceptiones: *1mo* quando beneficium à legitimo Superiore suppressum, vel accessoriè alteri unitum. *cap. cum accessissent. 8. de constitut.* *2do* quando in aliqua Ecclesia non est certus & definitus præbendarum numerus,

A a 2

merus,

